

*Rheoliadau drafft a osodwyd gerbron Senedd Cymru o dan adran 142(3)(b)(i) a (ii) o Ddeddf Tai (Cymru) 2014, i'w cymeradwyo drwy benderfyniad gan Senedd Cymru.*

OFFERYNNAU STATUDOL  
CYMRU DRAFFT

**2022 Rhif (Cy. )**

**TAI, CYMRU**

**Rheoliadau Digartrefedd (Angen  
Blaenoriaethol a Bwriadoldeb)  
(Cymru) 2022**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Deddf Tai (Cymru) 2014 ("Deddf 2014") a Rheoliadau Digartrefedd (Bwriadoldeb) (Categoriâu Penodedig) (Cymru) 2015 ("Rheoliadau 2015").

Mae rheoliad 2 yn diwygio Deddf 2014 i bennu disgrifiad pellach o berson sydd ag angen blaenoriaethol am lety at ddibenion Pennod 2 o Ran 2 o'r Ddeddf honno. Mae'r Bennod honno yn gosod dyletswyddau ar awdurdodau tai lleol i gynorthwyo pobl sy'n ddigartref neu o dan fygythiad o ddigartrefedd.

Mae rheoliad 3 yn gwneud newid cyfatebol i Rheoliadau Digartrefedd (Bwriadoldeb) (Categoriâu Penodedig) (Cymru) 2015.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Llywodraeth Cymru, Parc Cathays, Caerdydd CF10 3NQ ac ar wefan Llywodraeth Cymru ar [www.llyw.cymru](http://www.llyw.cymru).

*Rheoliadau drafft a osodwyd gerbron Senedd Cymru o dan adran 142(3)(b)(i) a (ii) o Ddeddf Tai (Cymru) 2014, i'w cymeradwyo drwy benderfyniad gan Senedd Cymru.*

---

OFFERYNNAU STATUDOL  
CYMRU DRAFFT

---

**2022 Rhif (Cy. )**

**TAI, CYMRU**

**Rheoliadau Digartrefedd (Angen  
Blaenoriaethol a Bwriadoldeb)  
(Cymru) 2022**

*Gwnaed*

\*\*\*

*Yn dod i rym*

24 Hydref 2022

Mae Gweinidogion Cymru, drwy arfer y pwerau a roddir iddynt gan adrannau 72(1)(c) a 78(1) o Ddeddf Tai (Cymru) 2014(1), yn gwneud y Rheoliadau a ganlyn(2).

Yn unol ag adran 72(3) o'r Ddeddf honno, mae Gweinidogion Cymru wedi ymgynghori â chymdeithasau sy'n cynrychioli cynghorau siroedd a bwrdeistrefi sirol yng Nghymru, a'r cyfryw bersonau eraill, sy'n briodol yn eu barn hwy, mewn perthynas â'r diwygiad a wneir gan reoliad 2 o'r Rheoliadau hyn.

Yn unol ag adran 142(3)(b)(i) a (ii) o'r Ddeddf honno, gosodwyd drafft o'r Rheoliadau hyn gerbron Senedd Cymru ac fe'i cymeradwywyd ganddi drwy benderfyniad.

---

(1) 2014 dccc 7.

(2) Mae adran 72(1)(c) o Ddeddf Tai (Cymru) 2014 (dccc 7) yn bŵer i wneud gorchmynion ac mae adran 78(1) o'r Ddeddf honno yn bŵer i wneud rheoliadau. Gwneir yr offeryn statudol hwn ar ffurf rheoliadau fel y'i caniateir o dan adran 39(1) o Ddeddf Deddfwriaeth (Cymru) 2019 (dccc 4).

## **Enwi a dod i rym**

1.—(1) Enw'r Rheoliadau hyn yw Rheoliadau Digartrefedd (Angen Blaenoriaethol a Bwriadoldeb) (Cymru) 2022.

(2) Daw'r Rheoliadau hyn i rym ar 24 Hydref 2022.

## **Ychwanegu disgrifiad pellach o berson ag angen blaenoriaethol am lety o dan Ran 2 o Ddeddf Tai (Cymru) 2014**

2. Yn adran 70(1) o Ddeddf Tai (Cymru) 2014, ar ôl paragraff (j) mewnosoder—

“(k) person—

- (i) sy'n ddigartref ac ar y stryd (o fewn ystyr adran 71(2)), neu
- (ii) y gellid disgwyl yn rhesymol i berson sy'n dod o fewn isbaragraff (i) breswyllo gydag ef.”

## **Diwygio Rheoliadau Digartrefedd (Bwriadoldeb) (Categoriâu Penodedig) (Cymru) 2015**

3. Yn rheoliad 2 o Rheoliadau Digartrefedd (Bwriadoldeb) (Categoriâu Penodedig) (Cymru) 2015(1), ar ôl paragraff (j) mewnosoder—

“(k) person—

- (i) sy'n ddigartref ac ar y stryd (o fewn ystyr adran 71(2)), neu
- (ii) y gellid disgwyl yn rhesymol i berson sy'n dod o fewn isbaragraff (i) breswyllo gydag ef.”

*Enw*

Y Gweinidog Newid Hinsawdd, un o Weinidogion  
Cymru  
Dyddiad

---

(1) O.S. 2015/1265 (Cy. 85).